

مقتطف من كتاب: "بعض معالم العلاج النفسى من خلال الإشراف عليه" الحالة: (30)
رسالة علاجية، أم تفريغ طاقة؟ "الاستشارة الأولى"



yehiatrakhawy@hotmail.com

نشرة "الإنسان" 2021/10/06
السنة الرابعة عشرة - العدد: 5149

بروفيسور يحيى الرخاوى - الطب النفسى، مصر

تذكرة:

ننشر اليوم، وكل أربعاء، - كما ذكرنا - عملاً أقل تنظيراً وأكثر ارتباطاً بالممارسة الكلينيكية العملية وخاصة فيما هو "العلاج النفسى"، فنواصل نشر الحالة (30) من الكتاب الثانى من سلسلة الكتب الخمس التي صدرت بعنوان "بعض معالم العلاج النفسى من خلال الإشراف عليه"، ولا يحتاج الأمر إلى التتويه إلى أن أسماء المتعالجين ليست هي الأسماء الحقيقية، وأنا حورنا أى معالم قد تدل على صاحبها احتراماً لحقوقه وشكراً لكرمه بهذا السماح بما يفيد من قد يمر في مثل محنته، أو خبرته أو عناية!

جزى الله الجميع عنا خيراً

الحالة: (30)

رسالة علاجية، أم تفريغ طاقة؟(2)

الاستشارة الأولى(3)

د. مختار سلامة: هو شاب عنده 17 سنة فى سنة ثانية ثانوى، الأول من ثلاثة، والده ووالدته بيشتغلوا فى نفس المهنة بتاعتنا، بس تخصص تانى.

د. يحيى: بتشوفه بقالك قد إيه؟

د. مختار سلامة: معايا بقاله شهرين، الأعراض اللي جه بيها أعراض وسواسية، فكرة بتيجى تقول له: حد مسيطر عليك يروح ناطط فى الكرسي، لو قاعد، ولو هو ماشى يقفز. دى الشكوى بتاعته.

الشكوى بتاعت الأهل إن هو عدوانى مع إخواته، هو بيتعالج من 9 سنين كان أول مرة بيتعالج على أساس إن هو نوع من أنواع الصرع، وربطوها شوية بقعدته قدام الكمبيوتر كان بياخد تيجريترول من سنة أولى ابتدائى، وكان دايماً بيشكى من صداع واعتبروه برضه جزء من حكاية الصرع، بعد كده حسب كلام والدته ما ثبتشى حكاية الصرع دى، يعنى اتشخص بعد كده على إنه ثنائى القطب، (هوس مع اكتئاب فى نوبات) بس والدته ما وصفنشى طور الهوس على إنه هيصه وفرحة، لأ مجرد فرط نشاط زايد قوى، طاقة زيادة.

د. يحيى: فيه تاريخ عائلى إيجابى لأى مرض نفسى؟

د. مختار سلامة: لأ ما فيش.

هو شاب عنده 17 سنة فى سنة ثانية ثانوى، الأول من ثلاثة، والده ووالدته بيشتغلوا فى نفس المهنة بتاعتنا، بس تخصص تانى

الأعراض اللي جه بيها أعراض وسواسية، فكرة بتيجى تقول له: حد مسيطر عليك يروح ناطط فى الكرسي، لو قاعد، ولو هو ماشى يقفز

الشكوى بتاعت الأهل إن هو عدوانى مع إخواته، هو بيتعالج من 9 سنين كان أول مرة بيتعالج على أساس إن هو نوع من أنواع الصرع

د. يحيى: جاب قد إيه فى الإعدادية؟

د. مختار سلامة: حاجة وتمانين فى المية.

د. يحيى: ترتيبه فى أخواته؟

د. مختار سلامة: الأول.

د. يحيى: وبعدين؟

د. مختار سلامة: بعد كام مرة كده اقترحت عليهم إنه بيحى يوم معأنا فى النشاط النهارى فى

المنوات (4)، مع جلسات العلاج النفسى، أعرفه أكثر، ويطلع الطاقة اللى عنده معأنا فى النشاط.

د. يحيى: كويس بس مش بدرى شوية؟

د. مختار سلامة:....:من ثلاث أيام والده إتصل بيأجل الجلسة، وقال لى هو مش عاوز يروح

المنوات تانى، وإنه بعد مارجع من المنوات المرة اللى فاتت بقى متعفرت ولتتطيط بعد ما كان قل بدأ يزيد تانى، وهات يا عدوانية على أخواته.

د. يحيى: مين كان معاه فى المنوات؟

د. مختار سلامة: أنا.

د. يحيى: بتقعدوا قد إيه كل مرة؟

د. مختار سلامة: بتقعد من الساعة 5.30 أو 6 إلى 9 يعنى، حوالى ثلاث ساعات يعنى؟ ثلاثة

ساعات وشوية.

د. يحيى: يعنى كنت عامل له تخطيط محدد فى الثلاث أربع ساعات دول؟

د. مختار سلامة: آه طبعاً.

د. يحيى: كنت عايز توصل له من خلالهم "رسالة"، ولأ مجرد "تطليح طاقه" زى أمه ما بتقول؟!

د. مختار سلامة: لأ أنا كنت فى الأتوبيس قاعد جنبه أغلب الوقت، بس بعض الأوقات باسيبه مع

المرضى.

د. يحيى: السؤال؟؟

د. مختار سلامة: اللى عملته صح ولا غلط؟ مش عارف الرسالة وصلت ولا لأ.

د. يحيى: أنهو رسالة؟

د. مختار سلامة: إنه ما يكملش فى سكة المرض، إن السكة دى مش نافعة.

د. يحيى: مش أنا سألتك هو تطليح طاقة ولا تبليغ رسالة؟

د. مختار سلامة: أنا قلت تبليغ رسالة.

د. يحيى: الرسالة اللى هى إيه بقى؟ إلى انت قلتها دلوقتى؟ "إنه مايكملش فى سكه المرض!!! "

د. مختار سلامة: أيوه.

د. يحيى: طب مش دى عايزة تقول لنا، وتقول لنفسك شوية تفاصيل زيادة. الفكرة كده مضبوطة، بس

انت حاستعمل المنوات بدرى قوى كده عشان توصل الرسالة دى إزاي؟ حا تبليغها إزاي فى خلال ثلاث

ساعات؟ المسألة مش مباشرة بالشكل ده كده.

د. مختار سلامة: أنا شايف إن العيانيين بيخفوا، يبقى فيه رسالة بتوصل، إمال بيخفوا إزاي؟

د. يحيى: أصل المنوات دى بالنسبة لى تمثل عندى تاريخ جامد شويه وطويل، يعنى من سنة 73

وأنا باحاول من خلالها إنى أوصل لنفسى وللعينين حاجة، يمكن هى دى اللى بتسميها إنت رسالة

دلوقتى، بس كانت الحكاية جد أكثر من دلوقتى شوية على حسب ما باسمع، كنت باوطى أعزق مع

حسب كلام والدته ما ثبتشى

حكاية الصرع دى، يعنى

اتشخص بعد كده على إنه

ثنائى القطب،

أنا شايف إن العيانيين بيخفوا،

يبقى فيه رسالة بتوصل، إمال

بيخفوا إزاي؟

المنوات يعنى مش مسألة

تطليح طاقة، أو تعليم ممارسة،

دى تكوين علاقة جديدة بينا

وبين العيانيين، بين العيانيين

وبعضهم، وبيننا كلنا وبين

الأرض والطبيعة والعرق،

والعمل اليدوى.

كنا بنخلط العمل الشاق بالمهينة

والفرحة، سميها نكوص زى ما

انتى لمايز، لكن نكوص

مسنول، كان فيها سماح

والتزام، وكان فيها خطة أعمار

مختلفة

العيانين أنا والدكتور رفيق اللي دلوقتى رئيس عيادة فى فرنسا بقاله خمستاشر سنة⁽⁵⁾، عزقنا لحد ما حفرنا حمام سباحة بنفسنا إحنا والعيانين، وبعدين ردمناه، مانعشى، "منى"⁽⁶⁾ بنتى عزقت معنا وهى فى الإعدادية، ولما عملت المستشفى النهارى بتاعتها اليومين دول، وراحت زيارة إنجلترا عند د.يسرية، ما هى د.يسرية⁽⁷⁾ كانت معنا هنا برضه، وهى بتشتغل فى إنجلترا بقالها عشر سنين، لما منى راحت إنجلترا تتفرج على المستشفيات النهارية هناك عزقت مع العيانين الخواجات، ود. يسرية قالت لى الجمعة اللي فاتت على خبرة "منى" وهى بتعزق بالفاس فى إنجلترا، فالمنوات يعنى مش مسألة تطليح طاقة، أو تعليم مهارة، دى تكوين علاقة جديدة بينا وبين العيانين، بين العيانين وبعضهم، وبيننا كلنا وبين الأرض والطبيعة والعرق، والعمل اليدوى. المسألة عشان نعرف إيه الرسالة اللي بتوصل محتاجة تفاصيل وتفاصيل التفاصيل، مثلا لما نواصل العزق بالفاس مدة معينة مع الهيصة والغنا، أو وإحنا بنتراهن على البطيخه على إنها حمرة ولا "مش حمرة"، وهى على وش مين، ولما كنا بنجيب الطعمية من عم سلامه الله يرحمه، ما كانشى ينفع ناخذها سندوتشات معأنا من المستشفى، مين اللي يروح يجيب طعمية، ومين اللي يحضّر الأكل، فالتفاصيل دى هى اللي بتفرك، كنا بنخطط العمل الشاق بالهيصة والفرحة، سمياها نكوص زى ما انت عايز، لكن نكوص مسئول، كان فيها سماح والتزام، وكان فيها خلطة أعمار مختلفة، يعنى فريق الكورة يضم واحد عنده خمسة وخمسين سنة مع عيل عنده اتناشر سنة، كان لينا قواعد تحكيم خاصة، يعنى مش من حق أى واحد يحط جونين، جون واحد طول الماتش هو اللي يتحسب له، عشان يضطر يباصى لزميله، وما تبقاش المسألة تنافس مطلق، كنا نقوى الروابط فى كرة اليد، ونشترط إن اللي يرمى الكرة لزميله من غير ما يزقق وينطق إسمه بصوت عالى يبقى فاول، يقوم كل واحد ينطق إسم التانى وكده، أنا عارف إنت ما عندكشى فكرة عن التاريخ ده كله، يا ترى حد قال لك عليه، يبقى أنهى رسالة كنت عايز تلبفها للعيان بتاعك، من خلال إيه. عادة الرسالة بتبقى محدده وصغيره جدا، وبعدين توصل رسالة تانية محدده وصغيرة برضه، وبعدين يتربطوا ببعض، من غير ما نعرف قوى إزاي، بس نعرف كل حاجة واحدة واحدة من خلال النتيجة.

د. مختار سلامة: ما هو النتيجة إنه رفض يبجى، وأبوه بلغنى ده.

د. يحيى: أظن كده والله وأعلم معناه إن العيان بتاعك ما اتحصّرش كفايه، أنا مصدقك ومحترم فكرتك إنك تستوعب الطاقة، مش مجرد تطلعها، بس الدخلة فى السن دى من الطبقة الاجتماعية دى، عشان أغراض زى كده، لازم لها تحضير جامد، ومين عارف هو اللي رفض ولا أبوه هو اللي ما اقتعشى بالهلس ده (من وجهة نظره)، كتير من الأبهاش الشيك دول يقول لك: ما هو بيروح النادى، يفكر إنها رياضة واحد اتنين، واحد اتنين، وبعدين إنت حاتلاقي صعوبة أكثر لما تيجى تربط بين الجلسة الكلامية فى العيادة، والخبرة النشاطية فى المنوات، لو شرحتها له واتكلمتوا فيها وفى فايدتها، يمكن تتحرق، عكس اللي بيقولوه بتوع "العلاج المعرفى" القديم ليل مع نهار، الربط ما بين مفردات العلاج عشان تعمل جملة سليمة إسمها الصحة: فن قائم بذاته، صنعة عايزة ممارسة مش عايزة فهم وشرح زى ما بيزودوها بتوع العلاج المعرفى التقليدى. الفعل هنا عندنا بيسبق الكلام، والكلام إن ما كانشى يصب فى الفعل، يمكن يحرق مفعول الفعل.

د. مختار سلامة: إزاي يعنى؟

د. يحيى: العيان بتاعك ده بالذات، اللي هو فى الغالب هوسى، أو أقل شوية، يعنى تحت هوسى، الكلام عنده منفصل عن الفعل، والفعل منفصل عن الهدف منه، يقوم يتنطط ويفرقع بالشكل ده، وزى ما باقول لكم دايمًا، العيان الهوسى الهايصى، اللي بينكت عمال على بطلان، ويكلم اللي يسوى واللى ما يسواش، اللي يعرفه واللى ما يعرفوش، ده علاقته بالموضوع ضعيفة جدا، جدا، غير ما يتغر فيه الناس لأول وهلة، ده أنا لاحظت ساعات إنه بيلغى الآخر (الموضوع) أكثر من الفصامى، تصور!!! الهوسى بيحتوى الموضوع جواه، وهات يا تنطيط، فما يفضلشى حاجة بره يعمل معاها علاقة.

حاتلاقي صعوبة أكثر لما تيجى تربط بين الجلسة الكلامية فى العيادة، والخبرة النشاطية فى المنوات، لو شرحتها له واتكلمتوا فيها وفى فايدتها، يمكن تتحرق، عكس اللي بيقولوه بتوع "العلاج المعرفى" القديم ليل مع نهار

الربط ما بين مفردات العلاج عشان تعمل جملة سليمة إسمها الصحة: فن قائم بذاته، صنعة عايزة ممارسة مش عايزة فهم وشرح زى ما بيزودوها بتوع العلاج المعرفى التقليدى

الفعل هنا عندنا بيسبق الكلام، والكلام إن ما كانشى يصب فى الفعل، يمكن يحرق مفعول الفعل.

العيان بتاعك ده بالذات، اللي هو فى الغالب هوسى، أو أقل شوية، يعنى تحت هوسى، الكلام عنده منفصل عن الفعل، والفعل منفصل عن

الهدوء منه، يقوم يتنطط
ويفرقع بالشكل ده

العيان الهوسى المايص، اللي
بينك عمال على بطل، ويكلم
اللى يسوى واللى ما يسواش،
اللى يعرفه واللى ما يعرفوش،
ده علاقته بالموضوع ضعيفة
جدا، جدا

ما تنساش الطبقة الاجتماعية
ده، ومهنة أبوه وأمه
ما عندهمشى فكرة عن الحركة
اللى من النوع ده، ولا عن
العمل اليدوى، ولا عن الرسالة
اللى إنك عايز توصلها، ولا عن
العلاج اللي بحق وحقيق

إن كل مشكلته هى الأعراض
الوسواسية اللي بتطلع فى
صورة التنطيط ده، وساعات
فى صورة كلام قبيح مع
والدته، ده بيظلم قوى مع
والدته، عشان والده بيضربه
لو عمل معاه حاجة زى كده.

د. مختار سلامة: يعنى أنا غطت إني وديته المنوات؟

د. يحيى: لا طبعاً، بس يمكن استعجلت شوية من حرصك عليه، يعنى ما حضرتوش لا هو ولا أهله
للخطوة دى، فجه الرفض اللي انت مقدم الحالة عشانه ينبهك لده.

د. مختار سلامة: يعنى أضغط عشان يروح تانى ولا أعمل إيه؟

د. يحيى: ما أظنش.. التراجع هنا حايلخلى موقفك مهزوز، إنت تستنى الجلسة اللي بعد كده فى
العيادة، ويمكن تطلب تقابل أبوه، لو احتاج الأمر، مش هو اللي اعتذر نيابة عنه، وتشوف إنت وصلت
لحد فين، وحانتكمل ازاي، واللى فيه الخير يقدمه ربنا. وما تنساش الطبقة الاجتماعية دى، ومهنة أبوه
وأمه ما عندهمشى فكرة عن الحركة اللي من النوع ده، ولا عن العمل اليدوى، ولا عن الرسالة اللي إنت
عايز توصلها، ولا عن العلاج اللي بحق وحقيق، بيبقى كل مهمم إن إبنهم يهدى ويجيب نمر زى ما هما
جايوا، وخلص، فلازم تحط ده فى الاعتبار وتستعمله، ثم إنت ما بقالكشى معاه أكثر من شهرين، يعنى
بدرى قوى إنك تحكم على اللي انت عملته كده، تظلم نفسك، وتظلمه.

د. مختار سلامة: يعنى أعمل إيه؟

د. يحيى: يعنى تهدى اللعب، وتطول مدة العلاقة شويتين وتحاول تانى إذا شفت إن ده لسه مفيد، هو
لما جه فى الجلسة اللي بعد كده فى العيادة إنت فتحت موضوع المنوات تانى؟

د. مختار سلامة: بصراحة أنا ماتكلمتش معاه عن حكاية المنوات، حضرتك شايف أفتحها ولا لأ؟

د. يحيى: فى فرق إنك تفتحها، من إنك تتكشها.

د. مختار سلامة: طيب أنكشها يعنى؟

د. يحيى: زى ما تشوف، خليها بظروفها بعد اللي وصل لك ده إذا كان وصل لك حاجة، إعتبرها
يعنى رسالة منى زى الرسالة اللي كنت عايز توصلها له.

د. مختار سلامة: يا رب تكون وصلت.

د. يحيى: حانشوف.

الاستشارة الثانية (نفس المريض) (8)

د. مختار سلامة...:العيان عنده 17 سنة فى ثانية ثانوى الأول من ثلاثة، اللي أنا كنت قدمته هنا
قبل كده.

د. يحيى: بقاله معاك دلوقتى حوالى خمس شهور، مش كده؟!

د. مختار سلامة: أيوه.

د. يحيى: وبتعرضه مرتين فى خلال خمس شهور؟!

د. مختار سلامة: أيوه.

د. يحيى: ماشى، يا ترى فيه إيه؟

د. مختار سلامة: هو عادة أمه بتدخل الأول فى الجلسة، بتأخذ تقريباً ربع ساعة من بداية الجلسة،
بتقول اللي حصل طول الإسيوع، دايماً هى بتبدأ معاها بالحاجات السلبية، وفى الآخر بتحن عليا وتقول
بس هو بيذاكر كويس، وإن كل مشكلته هى الأعراض الوسواسية اللي بتطلع فى صورة التنطيط دى،
وساعات فى صورة كلام قبيح مع والدته، ده بيظهر قوى مع والدته، عشان والده بيضربه لو عمل معاه
حاجة زى كده.

د. يحيى: كلام قبيح يعنى إيه؟!

د. مختار سلامة: يعنى بيشتم، وكلام عيب، وهى عشان شيك وكده، ما بتقدرشى تقول لى الألفاظ

بالنص، بتكتفى إنها تقول إنه كلام وحش وحش قوى خالص.

د. يحيى: يعنى كل الكلام اللي بيقوله، هي ماقالتهوش؟!؟

د. مختار سلامة: ماقالتهوش.

د. يحيى: ولا هو قاله؟!؟

د. مختار سلامة: ولا هو قاله.

د. يحيى: أصل فيه يعنى فرق من إنه يقول لها إنت مش كويسة خالص مامى، وإنه يقول

كلام وحش يعنى يغوط زى ما إنت عايز، يبقى حا نفهم مدى خروجه عن المألوف فى طبقته إزاي؟

د. مختار سلامة: ماشى، أنا فهمت إنه وحش قوى، ما قدرتش أكثر من كده.

د. يحيى: يعنى وصل لذكر أعضاء وقباجة مثلا؟!؟

د. مختار سلامة: تقريبا.

د. يحيى: عرفت إزاي؟

د. مختار سلامة: يعنى من طريقة كلامها، بس هي بقى بتركز على الشكوى من التنطيط الزيادة

عشان بيبان قدام الناس كلها، الكلام الخارج هي بتكتم عليه عشان أبوه ما يعرفشى، عشان ما يضربهوش.

د. يحيى: طب والمدرسة؟

د. مختار سلامة: الواد بيذاكر كويس.

د. يحيى: السؤال بقى؟

د. مختار سلامة: السؤال إني أنا قلت لها خلاص، نقول له إن إنت تنتطط زى ما إنت عايز، بس ما

تأديش حد، ونديله سماح بالوسواس، يعنى وسماح بالتنطيط، بس فى حدود البيت مش بره، فهى بتقولى برضه بيحصل بره ويحصل فى المدرسة، قلت لها خلاص ما دام مش نافع حكاية السماح دي يبقى خلى أبوه يعامله براحته، ونشوف بقى السلطة والتهديد حا يعملوا إيه.

د. يحيى: هو الولد علاقته بيك أنت إيه؟

د. مختار سلامة: بيحبني وعلاقته بيا كويسة.

د. يحيى: هو اللي بيحرص إن هو يجيبى؟ ولا أمه هي اللي بتجيبه؟

د. مختار سلامة: هو بيحرص إن هو يجيبى.

د. يحيى: وبسأل أمه على الميعاد؟ بيفكرها يعنى؟

د. مختار سلامة: آه.

د. يحيى: معلشى سامحنى، السؤال تانى إيه؟

د. مختار سلامة: السؤال إن هو أنا بعد ما أخذت القرار ده وسبت أبوه عليه، فهي بعد الجلسة دي

جابت أبوه ودخل معاه، فأنا قلت له خلاص خد راحتك وإنت متحمل المسئولية، أعمل اللي إنت عاوزه ما دام إنتوا شايفين الموضوع ده مش مرض قوى، الزاجل زى ما يكون إتخض، لكن أمه أعلنت إنها مش موافقة، ويتقول لى لو أبوه ضربه، أنا حاسيب البيت.

د. يحيى: أنا إيه؟

د. مختار سلامة: حاسيب البيت، لأن أبوه بيضربه ضرب عنيف، ممكن يوصل لأن هو خطر يعنى،

ويتقول إنه ممكن يموته فى نوبة ضرب زى دي، والسؤال هو إني مش عارف أعمل إيه فى الرسائل اللي بتوصلها الأم دي، يعنى فى الأول فى بداية الجلسة بتوصل لى الرسائل إن هي عايزاه يتضرب، فى الآخر بتقول لأ ده إحنا ما اتفقناش على كده، وبعد كده قلت لك لأ ماتقولش لباباه، إنت عاوز باباه

أبوه بيضربه ضرب عنيف، ممكن يوصل لأن هو خطر يعنى، ويتقول إنه ممكن يموته فى نوبة ضرب زى دي

مبدأ الضرب، أنا راجل قديم وما عنديش مانع أقر مبدأ العقاب، حتى بالضرب أحياناً، لكن مش سهله، يعنى باحط شروط صعبة جداً اللي عايز يتفلسس ويضرب، وإذا ما ضمنتش تنفيذ الشروط دي، ماوافقشى لو إيه بالذكي، وعادة هي ما بتتنفذشى

فى النهاية ممنوع الضرب لأنهم مش قده، ما هو أنتك برضه عملت كده: بس بعد ما وافقتك، رجعت هي كلامك، مش كده؟

حكاية الغل دي أبشع حاجة فى الضرب. ماينفعش تضرب

يضره، ما هو كفاية عليا نجاحه لأنه حالياً بدأ يجيب الدرجات النهائية، والواد قال لى أنا لو حاضرب مش حا ذاكر .

د . يحيى :بس إنت زى ما تكون سمحت بالضرب .

د . مختار سلامة :بصراحة سمحت .

د . يحيى :ورجعت فى كلامك ولا مارجعتش؟

د . مختار سلامة :رجعت .

د . يحيى :يعنى إنت قلت لأبوه يضره!؟

د . مختار سلامة :قلت له أعمل اللى تشوفه صح .

د . يحيى :ورجعت قولت له مايضربهوش!؟

د . مختار سلامة :آه

د . يحيى :ولا قلت لأمه تقول لأبوه؟

د . مختار سلامة :لأ، لأ، كان الكلام قدام الأب مباشرة .

د . يحيى :طيب وبعدين؟

د . مختار سلامة :وبعدين الرسائل اللى بتوصلها الأم لى طول الوقت مش عارف أعمل فيها إيه، هى

فرحانه بنجاحه، وفى نفس الوقت عمالة تشتكى، أنا أعمل إيه معاها؟

د . يحيى :ما هى اللى مماشية المسائل بحساباتها، بتستعملك بالمسطرة، ويتوقف أبوه بالمسطرة،

وتذاكر للولد بالمسطرة، كتر خيرها، قايمه بالواجب!! بالنيابة عنك!! عايز إيه أكثر من كده؟!!!!!!

د . مختار سلامة :هى فرحانه، وفى نفس الوقت عايزه المزيد عايزه المزيد، عايزه كل حاجة، عايزه إنه

يبقى مؤدب، وشاطر، ومايتططش، ومايشتمش؟

د . يحيى :مش هو أول واحد من ثلاثة!؟

د . مختار سلامة :آه وبعده ولد وبننت .

د . يحيى :أعمارهم؟

د . مختار سلامة :الواد تقريباً فى تالته إعدادى والبننت فى رابعة ابتدائى .

د . يحيى :وضعهم إيه فى الحدوته ديه!؟

د . مختار سلامة :وضعهم؟

د . يحيى :بيسمعوا الألفاظ الوحشة قوى قوى دى؟ ولا مايبسمعوهاش؟

د . مختار سلامة :بيسمعوا، وبيغيظوا الواد .

د . يحيى :كلمة بيغيظوه دى غريبة جداً، يعنى بيعملوا إيه بالظبط؟ َ

د . مختار سلامة :بيغيظوه .

د . يحيى :يعنى إيه بيغيظوه!؟

د . مختار سلامة :بيقولوا له إنت مجنون .

د . يحيى :كدهه!؟!!!!

د . مختار سلامة :أنا أعمل إيه دلوقتى!؟ أسمح للأب يأدبه!؟ ولا إيه!؟ ما أنا برضه عايز أحافظ على

النجاح .

د . يحيى :بصراحة كتر خيرك على حرصك على نجاحه فى الدراسة، أصل واحد زى ده لو وقف حا

يقف، وسبحان من يتعته، أنا شايف إن الولد عامل معاك علاقة، ودى حاجة جيدة، فى الظروف دى

هو زى ما يكون بيلجأ لك يستنقذ بيك تحوش عنه أمه وأبوه مع بعض، وبرضه تحوش عنه اختلافهم

لمشان إنت زهقان، ما بينفعشى

تضرب وانك شخصيا مش متأل

أكثر من اللى بينضرب

توقيت الضرب، لازم يكون

ملازم للغلط مباشرة، مش بعد ما

يصلح الغلط أو يعمل حاجة

كوبسة تقوم إنت تفتكر

بعدين الضرب لما يجيى من

والد مهزوز بيرجع فى كلامه

وهو بيضرب حتى، بيهز صورة

الوالد أكثر ما بيديه شكل

القوة والمسئولية

موافقتى على ضرورة الجزء،

اللى هو مسئولية برضه، الجزء

مافيهموش أى شبهة أذى،

وده ما محادشى موجود خالص،

يبقى المحصلة بعد ده كله إن

مافيش ضرب

إنك لازم تدخل منطقة الأم

والأبى واحدة واحدة، يمكن،

مين عارضة، وأنا شايفه ما دام
الأمر بالغموض ده فى
المنطقة دى، يبقى بديهي
نمنع حكاية الضرب دى نهائيا

كفاية إنك نجحت فى الظروف
دى، إنك تتجاوز ده كله،
وإن الولد يحرص بنفسه إنه
يجيلك، ويستمر فى دراسته،
ويجيب النمر النهائية زى ما
بتقول

إنك عملته، واللى بتعمله ده
جيد جدا، مثلا إنك تقدر تاخذ
قرار وترجع فيه بالسرعة دى،
ده مش عيب، أبدا، بالعكس
هو دا الطب، وهى دى الحياة

أظن أن الخطوة الأولى هى
محاولة تبصير الأهل بطبيعة
المرض، ثم فحص ما يريد
المريض قوله بهذه الأعراض

أظن أن من الصعب وسط هذه
المتاهة إيصال أية رسائل من

حوالين معاملته، وده يمكن اللى ببخليه يحرص إنه يجيى، وإنه يفكرهم بالميعاد، وأنا شايف دى نقطة
بداية كويسة، إحنا عايزين الواد يبقى حريص انه يجيى، زى ما يكون الواد عايز مصدر مش متحيز لا
لده، ولا لده، وإذا خلعا هما الإيتين هو محتاج سند بدالهم، اللى هو إنت.

النقطة الثانية: هو مبدأ الضرب، أنا راجل قديم وما عنديش مانع أقر مبدأ العقاب، حتى بالضرب
أحيانا، لكن مش سهله، يعنى باحظ شروط صعبة جدا للى عايز يتقلحس ويضرب، وإذا ما ضمنتش
تنفيذ الشروط دى، ماوافقشى لو إيه باللدى، وعادة هى ماابتنفذشى، يبقى فى النهاية ممنوع الضرب لأنهم
مش قدّه، ما هو انت برضه عملت كده: بس بعد ما وافقت، رجعت فى كلامك، مش كده؟

د. مختار سلامة: أنا فهمت إنه هو بيضرب بـغـل، ما هو ده اللى خلانى أرجع فى كلامى.

د. يحيى: أهى حكاية الغل دى أبشع حاجة فى الضرب. ماينفعش تضرب عشان إنت زهقان، ما
ينفعشى تضرب وانت شخصيا مش متألم أكثر من اللى بينضرب، ثم خذ عندك توقيت الضرب، لازم
يكون ملازم للغلط مباشرة، مش بعد ما يصلح الغلط أو يعمل حاجة كويسة تقوم إنت تفكر وخذ عندك،
وبعدين الضرب لما يجيى من والد مهزوز بيرجع فى كلامه وهو بيضرب حتى، بيهز صورة الوالد أكثر ما
بيديه شكل القوة والمسئولية، يعنى باختصار الضرب اللى أنا باسمح بيه، ماباسمحشى بيه، بس سماحى
باتصوّر إن بيدى الأب أو الأم موافقتى على ضرورة الحزم، اللى هو مسئولية برضه، الحزم مافيهوش أى
شبهة أذى، وده ما عادشى موجود خالص، يبقى المحصلة بعد ده كله إن مافيش ضرب.

ثم خلى بالك إنت لازم تشتغل فى علاقة أبوه وأمه، مش بس فيما يتعلق بالولد، باين فيها حاجات
عايزة شغل.

د. مختار سلامة: أنا عارف، أنا طول الوقت جوايا السؤال ده، هو إيه الحكاية بالضبط، هما الإيتين
دول عايشين مع بعض إزاي؟

د. يحيى: لأ ما هو ده برضه من صلب شغلتك مهما كانت ثقافتهم، أو طبقتهم الاجتماعية، إنت
طبيب، وكل قنوات التواصل بين الأب والأم بتسمّع فى العيال، كل القنوات الفكرية والعاطفية والجسدية
والمادية والدينية

د. مختار سلامة: هى الأم ما بتسلمش علىّ، هى مش منقبة، محببة بس، لكن ما بتسلمش عليا،
فأنا خفت اسأل فى الحتة دى.

د. يحيى: من غير ما تعرف كفاية عن كل الحاجات دى مش حا تقدر تفهم أبعاد الاختلاف، ولا قد
إيه الولد بيدفع التمن، ولو تلاحظ حركته اللى بيقولوا عليها وسوسة، يمكن تقول لك حاجة، الواد كل ما
يستقر يفز، كل ما يهدا يزقق، كل ما يقعد يقوم، إنت لازم تدخل منطقة الأم والأب واحدة واحدة، يمكن،
مين عارف، وأنا شايف ما دام الأمور بالغموض ده فى المنطقة دى، يبقى بديهي نمنع حكاية الضرب
دى نهائيا، ليكون الراجل ده بيضرب مراته بـغـل، مش بيضرب الولد، هو الغل، وده اللفظ اللى إنت
استعملته، وإنت استعملته عشان وصل لك، بيكون بين الراجل والست، وبالعكس، أكثر ما بيكون بين
الأب وإبنه.

د. مختار سلامة: يعنى أعمل إيه؟

د. يحيى: إنت كتر خيرك، كفاية إنك نجحت فى الظروف دى، إنك تتجاوز ده كله، وإن الولد يحرص
بنفسه إنه يجيلك، ويستمر فى دراسته، ويجيب النمر النهائية زى ما بتقول، وأديك ماشى بالمحكات دى
واحدة واحدة، وكل ما حا تجيلك معلومات أحسن، حا تتخذوا قرارات أحسن، بس اللى إنت عملته، واللى
بتعمله ده جيد جدا، مثلا إنك تقدر تاخذ قرار وترجع فيه بالسرعة دى، ده مش عيب، أبدا، بالعكس هو دا
الطب، وهى دى الحياة، وما تخافشى من رأيهم فى ده، إحنا مش فى محكمة، وحتى المحكمة يا أخى فيها
استئناف ورجوع، لكن قل لى: مش دلوقتى فهمت إن ما كانشى له فى رحلة المنوات من أصله وبرضه
فهمت هوّا ليه ما وصلتشى الرسالة الأوانية زى ما انت متصور، إنت طبعا ما عزمش عليه يروح

المنوات مرة ثانية؟!

د. مختار سلامة: طبعا، ما أنا فهمت من المرة اللي فاتت إنه هو ما اتحضرشى كفاية،

د. يحيى: يعنى بتحضره بقى ولا إيه؟!

د. مختار سلامة: لا، لا، أظن أنا صرفت نظر، اكتشفت إن الرسالة اللي اتكلما فيها صعب توصل

له فى الظروف دى، إكتفيت بالذاكرة والعلاقة.

د. يحيى: الله يفتح عليك، ربنا يستر ويسهل.

التعقيب والحوار:

د. محمد الشاذلى:

أظن أن الخطوة الأولى هي محاولة تبصير الأهل بطبيعة المرض، ثم فحص ما يريد المريض قوله بهذه الأعراض: هل هو احتجاج أم رفض أم إثبات وجود، أظن أن من الصعب وسط هذه المتاهة إيصال أية رسائل من خلال نسق واضح ومتماسك مثل رحلة المنوات.

د. يحيى:

عندك حق، لكننى استفدت من عرض هذه الحالة هكذا، فقد أتاح ذلك لى أن أبين كيف أن أى "جزئية" نشاط علاجي، قد لا تفيد وحدها إلا إذا تكاملت مع الخطة العلاجية مجتمعة (ليس بالضرورة فى القسم الداخلى)، وقد سعدت بتأكيدك على غائية المرض (احتجاج واحتياج)، وهو ما عنيته بقولك "... ما يريد المريض قوله بهذه الأعراض."

د. حسن سرى:

حضرتك قلت: الهوسى بيحتوى الموضوع جواه، فما يفضلشى حاجة بره يعمل معاها علاقة، ولكننا نلاحظ أن الهوس أحيانا يقوم بعمل علاقه ممتازه مع زوجته خاصه (علاقة حب قويه) وكذلك مع بعض الأشخاص الذين يختارهم، فكيف يمكن تفسير ذلك؟

د. يحيى:

هذه الملاحظة - برغم أنها ليست عن الحالة مباشرة - هي - فى خبرتى - ملاحظة مهمة، ذلك عن الهوسى وخاصة قبل أن تبلغ حدة المرض أقصاها: هو سريع الإقدام، حاضر الرد، كثير الكلام، فيبدو وكأنه بذلك يعمل علاقة، فى حين أنه نشاط بغير عمق، وأغلب الرجال فى طور الهوس، يتحدثون عن رغبتهم الجنسية الزائدة أو يتجاوزون ذلك إلى تحرش فعلى، لكن كثيرين منهم يعانون من "العنة" فى نفس الوقت، الأمر الذى قد يكشف عجزهم الأعماق عن عمل علاقة بآخر حقيقى، أما حكاية توثيق العلاقة بالزوجة، فقد صادفت حالات ليست قليلة يحلم فيها الزوج بقتل الزوجة، كإرهاصات لقدم النوبة، وفى بضع حالات أخرى بدأت النوبة والزوجة تستيقظ ويذى زوجها قبيل الهوس حول عنقها وهو نصف نائم، ثم تأتى النوبة بعد يوم أو أكثر.

ما رأيك؟

د. حسن سرى:

هل يمكن للهوسى أن يستخدم ميكنازم الوسوسة؟

د. يحيى:

لاحظ أننا مازلنا بعيدين عن الحالة!! فالحالة لم تشخص "هوساً"،

أما عن سؤالك عن هل هو وارد أن يستخدم الهوسى هذا الميكنازم الوسواسى، فالإجابة هي: نعم يمكن، وهو إذا نجح، ولو جزئيا فى ذلك، قد يضبط ولو جزئيا أيضا جرعة هوسه، فالوسوسة سياج يمنع - نسبيا - التفسخ من ناحية، كما قد يقلل من "إنهيار الكف" قليلا أو كثيرا فى حالة الهوس.

خلال نسق واضح ومتماسك مثل رحلة المنوات.

أن أى "جزئية" نشاط علاجي، قد لا تفيد وحدها إلا إذا تكاملت مع الخطة العلاجية مجتمعة

عن الهوسى وخاصة قبل أن تبلغ حدة المرض أقصاها: هو سريع الإقدام، حاضر الرد، كثير الكلام، فيبدو وكأنه بذلك يعمل علاقة، فى حين أنه نشاط بغير عمق

أغلب الرجال فى طور الهوس، يتحدثون عن رغبتهم الجنسية الزائدة أو يتجاوزون ذلك إلى تحرش فعلى، لكن كثيرين منهم يعانون من "العنة" فى نفس الوقت

أما عن سؤالك عن هل هو وارد أن يستخدم الهوسى هذا الميكنازم الوسواسى، فالإجابة

أ. رامى عادل:

كيف تتفق الظروف ويتم التحكم فى الألفاظ... وغيره؟ الجسد محور التفكير وأداته، وللآخر وجود حيوى فى الخارج نربطه ببعض التجليات داخل العقل، ونوازن بين المرئى والمسموع والمنطوق أثناء توجهننا للغاية/النهاية، وتندرج المسألة من الرهبة إلى الطلاقة إلى الإحساس بالمسئولية والتوحد مع الآخر، دون أن ننتقيد بمبدأ مشكوك فى صحته، أو ننبش فى الماضى عن مشاعر قد لا تتحقق، وعلينا أن نضع نصب أعيننا فرضا ونختبر قدرتنا على تجاوزه لفرض أوسع.

د. يحيى:

أحيانا أخاف من خبرتك هذه يا رامى، فأنت تصل بتلقائيتك وطلاقتك إلى نظريات بأكملها فى بضعة أسطر.

وأحيانا أخاف عليك شخصيا منها، لكنها بينى وبينك - تستأهل كل المخاطرة.

يارب يكون الأصدقاء المتابعين قد تعودوا على تلقي رسائلك يا رامى مثلما أفعّل.

شكراً.

- [1] يحيى الرخاوى: "كتاب: بعض معالم العلاج النفسى

من خلال الإشراف عليه، " منشورات جمعية الطب النفسى التطورى (2018)، والكتاب موجود فى مكتبة الأنجلو المصرية وفى منفذ مستشفى دار المقطم للصحة النفسية شارع 10، وفى مؤسسة الرخاوى للتدريب والأبحاث: 24 شارع 18 من شارع 9 مدينة المقطم، كما يوجد أيضا حاليا بموقع المؤلف، وهذا هو الرابط www.rakhawy.net

- [2] نشرة 25-1-2009 www.rakhawy.net

4/9/2007 - [3] هذه الحالة سوف تعرض على مرحلتين.

- [4] منتجع تابع للمستشفى بالقرب من سقارة، تمارس فيه النشاطات النهارية فى رحلات نهارية أحيانا.

- [5] انتقل إلى الأمجاد السماوية هذا العام (2018)، وحزنت عليه حزنا شديداً.

- [6] أصبحت الآن أستاذ الأمراض النفسية بكلية الطب جامعة القاهرة، وتواصل إنشاء تعد مركز الرخاوى للتدريب والبحوث النفسية 2018

- [7] أ.د. يسرية أمين الآن استشارية بالمملكة المتحدة منذ حوالى عشرين عاماً.

- [8] نشرة الإنسان والتطور: 2007/10/30

www.rakhawy.net

إرتباط لحامل النص:

<https://rakhawy.net/%d9%85%d9%82%d8%aa%d8%b7%d9%81-%d9%85%d9%86-%d9%83%d8%aa%d8%a7%d8%a8-%d8%a8%d8%b9%d8%b6-%d9%85%d8%b9%d8%a7%d9%84%d9%85-%d8%a7%d9%84%d8%b9%d9%84%d8%a7%d8%ac-%d8%a7%d9%84%d9%86%d9%81%d8%b3-26/>

إرتباط لحامل النص مع المقطع:

<http://www.arabpsynet.com/Rakhawy/RakD061021.pdf>

شبكة العلوم النفسية العربية

نحو تعاون عربي رقبيا بعلوم وطب النفس

الموقع العلمي

<http://www.arabpsynet.com/>

المتجر الإلكتروني

<http://www.arabpsyfound.com>

الكتاب السنوي 2021 " شبكة العلوم النفسية العربية " (الصدار العاشر)

الشبكة تدخل عامها 21 من التأسيس و 19 على الويب

<http://www.arabpsynet.com/Documents/eBArabpsynet.pdf>

هى: نعم يمكن، وهو إذا نجح، ولو جزئيا فى ذلك

الجسد محور التفكير وأداته، وللآخر وجود حيوى فى الخارج نربطه ببعض التجليات داخل العقل، ونوازن بين المرئى والمسموع والمنطوق أثناء توجهننا للغاية/النهاية

تندرج المسألة من الرهبة إلى الطلاقة إلى الإحساس بالمسئولية والتوحد مع الآخر، دون أن ننتقيد بمبدأ مشكوك فى صحته، أو ننبش فى الماضى عن مشاعر قد لا تتحقق، وعلينا أن نضع نصب أعيننا فرضا ونختبر قدرتنا على تجاوزه لفرض أوسع